

حقوق المرور: شغالة ليها سنتين تجارب بتاعت شباب أستراليين-سودانيين في مدينة داندينونغ العظمى

خلفية بتاعت الموضوع

حقوق المرور - شغالة ليها سنتين هو تقرير بتاع متابعة من مفوضية تكافؤ الفرص وحقوق الانسان بتاعت فكتوريا
Victorian Equal Opportunity and Human Rights Commission عن تجارب بتاعت شباب أستراليين -
سودانيين في مدينة داندينونغ العظمى Greater Dandenong.

تقرير حقوق المرور بتاع سنة 2008 بقول أنو الشباب الأستراليين-السودانيين تعبانين من التمييز العنصري
وعشان كده هم ما بقدرتو يتحركو بحرية في المجتمع، وكمان بقت فرص الخدمات والشغل والتعليم بتاعتم محدودة
للسبب ده ذاتو. والشباب ديل كمان ما مرتاحين لطريقة تعامل البوليس معاهم والصورة العكستها وسائل بتاعت
الإعلام عنهم.

تقرير حقوق المرور عمل عدد من توصيات عشان معالجة مشاكل دي وحماية حقوق بتاع الشباب
الأستراليين - السودانيين.

في سنة 2010، عملت المفوضية أبحاث كانت جزء من عملية بتاعت إعداد تقرير يشوفو بيهو التقدم في تنفيذ
توصيات بتاعت تقرير حقوق المرور.

ملخص بتاع النتائج

حقوق المرور - شغالة ليها سنتين هو نتيجة بتاعت آراء واقتراحات قدمتها خمسة دوائر بتاعت حكومة فكتوريا،
وثلاثة سلطات قانونية والمجلس المحلي، وكمان نتيجة تشاور مع ناس قياديين في الجالية و 45 شاب.

المفوضية لقت أنو الحكومات والمنظمات المجتمعية عملت ونفذت مجموعة من المبادرات الكويسة،
مذكورة في التقرير.

لكن الشباب العملو معاهم مقابلات عشان تقرير المتابعة قالو للمفوضية أنهم لسه بتعرضو لتمييز عنصري بخلي
فرص شغلهم وتعليمهم محدودة، وكمان قالو أنهم ما مرتاحين لطريقة تعامل البوليس معاهم.

مثلاً، شباب كثيرين قالو أنو البوليس بتعامل معاهم بظلم:

نحن كنا راكبين في القطر وفجأة ظهورو ناس بتاعين البوليس ... قالو ليانا "التذاكر بتاعتكم وين،
وبطقاتكم وين؟ ونحن سألناهم ليه (جيتو ليانا هنا)، قامو هم قالو ليانا "كان في دشمان عملوهو سودانيين
ونحن دايرين نعرف منو العمل الدشمان ده".



حقوق المرور: شغالة ليها سنتين

تجارب بتاعت شباب أستراليين-سودانيين في مدينة دانديونغ العظمى

الشباب قالو أنو التمييز ده بآثر في قدرتم أنهم يلقو شغل، مثلاً:

أنا قدمت لشغل – والجماعة بتاعين الشغل إتكلمو معاي بالتلفون، ولمن مشيت ليهم زي قالو، "إنت أسود؟" وأنا قلت ليهم، "أنا بس بفتش لي شغل، بفرق شنو لو كنت أسود؟" لكن قالو لي "نحن ما بتقدر نشغلك."

الشباب برضو قالو للمفوضية أنهم حاسين أنو التمييز ما بخليهم ينجحو في التعليم، مثلاً:

أطفال كتيرين، بقولو "أوه أنا كنت بفكر أفرا طب لكن المدرس قال لي ما بتقدر تفراو". وكده هم بحطمو طموح (بتاعهم) وعشان الأطفال بقولو "أوه أنا بس ح أفرا (كورس) ساهل."

البحث بتاع المفوضية بركز على أنو لازم المؤسسات تستمر في العمل بتاعها عشان تمنع وتعالج مشاكل بتاعت التمييز العنصري.

القانون الجديد بتاع تكافؤ الفرص لسنة 2010 الحا يبدأ العمل بيهو في شهر أغسطس 2011 بقول أنو مؤسسات زي وكالات بتاعت الحكومة ووكالات غير الحكومية والشركات لازم تعمل حاجات واجراءات من بدري عشان تمنع التمييز.

أضرب تلفون لخط الاستشارة بتاعنا أو ادخل في موقع الانترنت بتاعنا لو دايير معلومات زيادة أو عشان تقدم استفسار بالانترنت. خدمة الترجمة الفورية متوفرة في خط الاستشارة بتاعنا.

لو دايير تجيك رسائل إيميل عن المستجدات من المفوضية، إشتراك في خدمة رسائل المستجدات الالكترونية eupdate بتاعتنا عن طريق موقع الانترنت humanrightscommission.vic.gov.au/maillinglist

إنت دايير نسخة من التقرير أو دايير معلومات زيادة عن مشروع حقوق المرور؟

التقرير كلو ومعا هو معلومات زيادة عن مشروع حقوق المرور موجود في موقع بتاع الانترنت

humanrightscommission.vic.gov.au/rop

ملخص بتاع التقرير ده موجود كمان بلغة الدينكا، النوير والعربي.

كيف ممكن المفوضية تساعد الناس الحصلت ليهم تجارب بتاعت تفرقة وتمييز عنصري؟

المفوضية بتقدر تساعد الشباب عشان يقدمو شكاوى عن التمييز العنصري وتشويه السمعة. وتقديم الشكاوى ممكن يساعد الشباب عشان يطلو مشاكل دي ويعيشو حياتهم كويس. وكمكان الشكاوى بتكون عبارة عن رسالة قوية بأنو التمييز مخالف للقانون وفكثوريا ما ح تسمح بيهو.

الاتصال بالمفوضية

خط الاستشارة: 1300 292 153

TTY: 1300 289 494

الإيميل: advice@veohrc.vic.gov.au

موقع بتاع الانترنت: humanrightscommission.vic.gov.au

